



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Arnoldi Corvini à Belderent J. U. D. Jus Canonicum, Per  
Aphorismos Strictim Explicatum**

**Corvinus van Beldern, Arnold**

**Amstelodami, 1663**

Feriis.

**urn:nbn:de:hbz:466:1-10591**

c. 8. si Episcopus. 3. qu. 2. c. quod ad consultationem. 15. de sent. & re jud. c. oblate. 57. §. licet de appellat. Exceptis iis quæ ad appellationem prosequendam, & restitutionem in integrum petendam à lege concessa. Gloss. in c. cum sit Romana. 5. eod.

Iudex dilationes non debet concedere, nisi sedens pro tribunali, præviâ causæ cognitione, & utrâque parte præsente. c. ult. §. à Iudice. 3. qu. 3. Hostiens. in Sum. hic. num. ult. Spec. de dilat. §. 2. num. 1. puta, quas ipse suâ auctoritate concedit. Lege enim concessæ, cunctis partibus absque causæ cognitione competunt; quamvis eas, qualitate personæ & causæ, aliisque circumstantiis consideratis, interdum Iudex moderari possit: ut statim diximus. per jura ibi all.

Iudex suâ auctoritate dilationes concedit, ubi ex jure non proditæ; ut ad fistendum aliquem in judicio, l. sancimus. 26. C. de fidejussor. & opponendas exceptiones dilatorias. c. pastoralis. 4. de exception.

Et tum potest non tantum cuique exceptioni opponendæ tempus præfigere, sed & omnibus simul opponendis unum terminum: d. c. pastoralis. qui censetur tum, licet non sit expressum, peremptorius. arg. d. c. pastoralis.

Alioqui in assignandis dilationum terminis necesse, si iudex terminum velit esse peremptorium, illud evidentibus verbis exprimere. Nisi enim id fuerit factum, tres termini dandi sunt: sive dilationes ante litem contestatam sint concessæ, sive post. ut vult Lægus meth. utr. jur. hoc tit. per Gl. in Clem. s̄ape. 2. verb. non peremptoriæ. de verb. signif.

### De feriis.

#### T I T. XVI.

**P**RÆTER Dilationum causas titulo præcedenti enarratas sunt & aliæ: Nempe Feria; Ordo judiciorum; Plus petitio; Concursus judicii petitorii & possessorii. de quibus hoc & sequentibus titulis agemus.

Feria

*Feriae* (omnium, non unius litis dilationes), sunt dies ab actibus judicialibus vacui. c. ult. hic.

Cum aliis septimanæ dies ferias vocamus, feriarum nomine abutimur. Cujac. ad c. 1. & 2. hic. Covar. 4. resol. 19. num. 1. vers. eadem.

Sunt *Feriae* aut *Solennes* seu *Ordinariae*, quæ scilicet certo spatio quotannis recurrunt; aut *Repentinae* seu *Extraordinariae*, quæ subito pro re nata indicuntur.

*Solennes* aut sunt *Sacrae*, aut *Profanae*, seu *Necessariae*.

*Sacrae* sunt, dies cultui & honori Dei, & Sanctorum reverentiae dicati. d. c. ult. hic. ubi vide. c. 1. & 3. nullus. 15. qu. 4. in princ. dist. 3. de consecr.

Quos singulis diebus dominicis Parochus populo prænunciare debet. c. 1. de consecrat. dist. 3.

*Profanae*, seu *Necessariae* sunt, quæ non propter honorem Dei vel Sanctorum, sed propter utilitatem vel necessitatem hominum sunt institutæ; ut sunt messium & vindemiarum. d. c. ult. in fin. hic.

*Repentina feria* sunt, quas Princeps aut Magistratus, propter inaugurationem, triumphum, rem prosperè gestam; Gl. in verb. ob necessitates. in Clem. sape. 2. de verb. signif. vel hostilem incursum, seditionem, pestem, aliamve causam publicam extra ordinem evenientem indicit.

Hisce omnibus feriatis diebus expediri non possunt quæ sunt jurisdictionis contentiose; ut est, citatio ad causam dicendam, respondendum, jurandum, sententiam audierandam; c. ult. hic. c. 1. & 2. 15. qu. 4. c. audit. 29. de election. damnatio ad mortem vel aliam poenam: c. 1. hic. possunt quæ sunt jurisdictionis voluntariæ; ut tutorum vel curatorum datio, emancipatio, testamenti, aut donationis, aut contractus confirmatio. Kling. ad c. 1. num. 9. & 14. hic. l. actus. 8. C. eod.

Possunt etiam hisce seriis expediri eæ causæ, quarum disceptationem pietas vel necessitas suadet. c. ult. hic.

*Pietas* suadet, si sint causæ debilium & miserabilium personarum, arg. c. *uinam.* 9. *dist.* 76. c. *nunquam.* 33. *dist.* 5. de *consecrat.* *Hostiens.* in *sum.* *hoc tit.* *num.* 4. *Kling:* ad c. 1. *num.* 4. *hic.* si de alimentis futuris officio judicis debitibus, *Ias.* ad. l. 1. §. sed *exciuntur.* *num.* 7. ff. *hic.* cau-  
sa spirituali, agatur, *Innoc.* in c. *ult.* *num.* 2. *hic.* de causa matrimoniali Iudex ex officio statuat. *Hostiens.* in d. *Summ.* *num.* *ult.*

*Necessitas* suadet; si res, vel actio, tempore vel morte sit peritura. c. *fin.* §. *verum.* cum seq. de *ju-*  
*dice.*

Feriis sacris & repentinis partes renunciare non pos-  
sunt: c. *fin.* *hic.* possunt profanis seu necessariis. d. c. *fin.*  
c. *licet.* 3. *hic.* & c. *si diligenti.* 12. *de foro compet.*

Tacitè id fecisse intelliguntur partes, quibus præsentibus & scientibus, nec contradicentibus, Iudex diem, quam feriatam esse scit, assignat. c. *quod ad consultationem.* 15. *de re judic.*

His feriis, si non renunciatum, quod actum, non subsi-  
stit. d. c. *fin.* *hic.* d. c. *si diligenti.* 12.

Computantur feriae sacræ vel de vespere in vesperam, c. 1. & 2. *hic.* vel potius secundum earum qualitatem, & regionum diversarum consuetudinem; d. c. 2. *hic.* Profanæ & repentinae à media nocte in mediam noctem. *We-*  
*semb.* in *com.* C. *hoc tit.* *num.* 25.

### De ordine cognitionum.

#### T I T. XVII.

**S**equitur de ordine cognitionum; quia interdum accidit, ut aliqua cognitio differatur, donec altera terminetur.

*Ordo judiciorum,* seu cognitionum, est dispositio, quâ unum judicium alteri judicio anteponitur.

Spectatur istum, cum plures actiones in judicium ve-  
niunt.

Quod